

百名家詩選

小引

魏子曰雪樵陸先生今之古人也余未出仙霞
嘗讀先生所著梧英齋諸文章慨然慕之徒爾
相思不可得而見今歲過魏邑訪如石毛明府
詢名下士大夫有可與共晨夕者乎明府首以
先生對余愕然驚起曰思之久矣何期托展于
此哉急徃從之先生丹顏白髯曳杖相迎飄飄
如蓬島中人歡然款接傾吐生平真如數十年
交遂爲忘形知己徐引入萍居半畝臨水有楊

柳五六株圍籬匡石竹小草歷落可喜復出所
爲詩累累相質于余余展讀未竟瞠目稱快色
喜神怡見其有古者奇者滯者遠者深沉頓挫
無一不歸于靈厚岸然獨異卓然不滓是其欲
自成一家不屑屑焉彷彿古人者攜歸五鹿出
示觀察孔公公爲之擊節曰子此行可謂入寶
山而不空手也先生廣陵人初年歸耕于劍川
今復旅居于洹水猶之浣花野老隨地築草堂
而已端介好學製作幾于等身此雖鼎味一齋

抑足以光吾選矣

百名家詩選

福清魏憲惟度輯選

曲阜孔胤樾心一山陽丘象隨季貞

貴溪鄭日奎次公太倉顧湄伊人叅

陸輿字公車號雪樵廣陵人

帝京篇有引

昔左太冲賦三都軒窓几席各置子墨
凡十年乃成略臨海爲帝景篇亦正濡
首染翰竭思緒爲之予來長安萍頓亦

五春秋矣每思援筆爲此逡巡未下且
近來賦帝景者道里園墅率用西京舊
名卽賦燕京而僅徵述宮室庭臺不復
問山川名勝與忠節理學猶之乎輦輦
之事耳不揣遲之又遲妄擬爲此於衷
古切今之中時寓傷離道故之意太冲
而當吾世正恐覆瓿不及耳特以請質
名流點定非自附於管絃風雅鼓吹章
騷也

雲鎖盧龍橋日照長安道烟花萬戶玉甍飛羅綺千場金鑰曉畫檻雕題發寶光天外峰巒四座張玲瓏睥睨連城曲朱輪繡輦吹塵香鴛鴦七十排東觀魏虎三千列魚貫孺子撩衣帶劍趨蒼頭結綬迎風扇銀牀甲帳陳兩邊玳瑁題梁貴席前春花度索華林夢秋月傳孟公鳳筵憶白燕皇耀神武雕面將軍開幕府四望河山輦壯圖亂落芙蓉血光舞平明共轡巡閭闔音來道分馳槐柳列國老雙藤樹遙漢羽林年

少爭韎鞞五花壓簾賜宮臣六雲繡珮鷄鶩巾
一笑百諾回身舞獨教夜半馳車輪天街鋪錦
銘臺上樓頭走馬黃金仗二十五絃雁柱等三
十六宮紫絲帳建禮門前界玉堤銅龍臺畔連
清溪宮槐匝影綠天幕白麻紅燭飄金題山川
眉目冷碑碣賢豪意氣爭虎螭岐陽石鼓供俎
豆鷲峰旃像增鉗錘十刹海中千佛寺拈花索
笑檀波事易水風前郭隗臺黃金千載空蒿菜
丞相祠堂柴市北少保遺容崇文陸燕山夜半

雪鵲啼滿眼黃塵青鏡逐海浣蓮衣青苔洗高
梁柳線迎風倚韋氏園亭春醉融麥庄舞浪行
人膩鳧藻晴莎點禁烟青山十里樓臺率鼙鼓
鸞簫響空碧鳥聲樹影風蒼然玉泉山紅螺洞
碧雲栢徑雙林送銀山西望玉鱗輝平坡晚磬
中峰頌聚燕臺中燕子歸白雲觀上雲封堆曲
水園中水帶起金魚池上魚苗開報國雙松送
行展鶴踏松頭剛半折音浙顯靈宮裡奏清詞
供奉雷壇栢封折音舌摩訶風入絃法雲香出

泉泡河魚美影石徑草連天燈市南頭花作拍
冰雪成聲露凝魄年華入市結風烟驕盡金錢
擲雙鳥春塲塲上春信來春風剪剪春星圍馬
頭十丈香雲湧玉漏沉沉露影回共稱帝里風
期好白袷紅顏闔年少鬢邊斜插宜春花袖底
時分月華媚清苑圖黃都鏡十二樓碑絡九井
朝紛趙李塲暮押金張聘平泉添夜來金谷懸
秋印七香車逐柳絮泥萬年館聚桃花陣漢宮
烏啼天未了晨游不盡物華老東城西第雲作

微昭曉碧落星精掃內殿承顏玉是纓外家分
燭珠爲屏午樓賜餽樂事集千官放假馳瑤京
回鶻初成歌步天行作調不數長樂鐘寧問華
陽笑平津郎中水自渦博陸門外鳥可羅惟有
河山祗如許青門夜雨東陵波古來賢達恒賦
此壘傀不數其如何君不見天南地北蛛網空
土花井蝕鑑頭風盛衰時覺黃埃同一醉萬古
披心胸

長安春燈市行

千門萬戶春燈明
長安女兒踏月行
珠浮翠結
狎燈影香風花氣排
雲城象板鵝笙歌
且拍寶
馬雕輪接長陌
禁墻月落人未還
不知今夕真
何夕五陵俠少
千金裘蹴踘歡場
對市樓拾來
紅豆按宮譜
質去青衫代酒籌
天寶才人花閣
筆開元子弟
金抹額只愁舞罷
曉鐘鳴不問當
場步搖折樓頭人
半飲花邊露初起
暖風燕剪
行卽來楊柳銀堤
鏡山裡歌舞年年
不負人幾
令歌舞不成塵
且喜露華炤晴旭
春光一片醉

人心

冰壺濯魄歌

一片空明界寒光領素心影移雪鶴舞神度玉
山吟灝氣花吹幔輕風月定衾琉璃屏上畫能
隔一重醇

咏冰燈和原韻

咫尺遙天不夜燈蘭綵繡出玉壺冰銀橋星轉
千巒護琪樹花開五瀑凝姑射月明珠闕曉蘭
臺雪滿火龍騰行人折入圓嶠路九點光聯似

可凭

咏琉璃燈金魚

一片虛明鏡作衙
蘭膏春暖映浮槎
聽來唼水凝潛隱
望去迴波恰半遮
光合玉鱗分素練
絳翻錦鬣吐冰花
忽驚落子簾風下
折入銀塘未可叉

秦淮望

林外鐘聲水外樓
曉風吹夢上簾鉤
菱花照出芙蓉夜
燕羽翻成蛺蝶秋
紅板橋西新殿脚
碧

雲籠下舊梢頭樂游不待斜陽送何處春來問
莫愁

桃葉渡咏美人刻竹

曉風因露落翠袖錦雲欄近水光中濺沉烟影
外珊舊題青未了新韻綠能刪幾點眉心語春
纖冷可彈

梅花

香風黯淡度層陰一夜驚回天地心冷落詩篇
懷靖節蕭疎木石見雲林霜描素質神俱靜雪

點寒稍意特深老我蓬牕同笑傲還思明月在
江潯

寂歷清風處士家一枝山閣獨橫斜香飄古渡
人歸擢月冷空江雁度沙凍雪不消依傲骨冰
心自惜傍高霞相看開落知何意聽到荒村雜
暮笳

山中堪結水烟鄰千古真同臥雪人曲塢頓述
雲半面孤村難忍月全身頻挑拄杖尋芳圃漫
卷詩籤問遠津鶴夢未醒天欲曉霏微數點見

陽春

昨夜銀灣透一枝
高人相對漫吟詩
芳心最耐依巖壑
玉炤偏宜近水湄
位置林泉饒品格
生成骨相更嶽嶽
參橫又是昏黃後
小艇寒烟月上時

香雲百疊野塘秋
爲愛孤芳此暫留
移屐每停山外月
橫琴相倚竹邊樓
半畦沙渚依黃犢
五夜霜風伴碧油
玉笛一聲催曉白
微波清淺有扁舟

獨照空山影自橫
枝頭大乙最分明
官橋送馬長林曉
野店歸樵晚渡晴
背月微茫寒氣裊
臨風隱約凍雲生
柴門半闌銅鑰臥
一樹亭亭不世情

滿林雪色半迷蕪
是處溪山冷畫圖
瘦骨幾曾依夏屋
素心長欲傍寒鑪
城烏帶影歸殘壘
野蹇西風趁晚途
自爾孤高堪歲暮
相攜斗酒醉中呼

探幽每欲到林塘
湘浦烟沉夢是鄉
古木寒條

曉曉臘茶 白石點殘陽名心澹處揮塵塵冷
眼消時解珮香看到孤貞忘世相何煩索笑問
滄桑

北平秋興八首

有引

予居北平凡七載所見浩渺廓落之象
與夫磊塊寥拓之人荒索悲涼意有所
觸輒筆之詩覺宇宙之秋有盡而心性
之秋無盡就秋咏秋就吾今日之言秋
以引秋涉筆點墨又與少陵之所咏有

異茲以秋興諸咏就正同人一種雁老
霜殘兔僵蟾澁之氣候正與風暄日妍
鳥嬉花笑平分千古然秋之爲秋較淡
較遠矣知我者請就行間問之當有秋
聲在

萬里寒聲到玉溝
延清門外聽鳴騶
楓天砧下
伊州拍棗地長闌
烏夜愁白社
那禁秋眼濶黃
鵠曾記曉山等
片雲落日隨塵
擁榆峯驚鴈硯
北樓

空林極目晚風高
夢破諸陵徧鬱蒿
舊感銅鑪圓夜壑
新歌玉勒問春槽
行吟澤畔看猿髮
狂歌樓頭和九臯
霜葉翻秋聯屋角
一樽誰慰野雲勞

碧翁無語暗雲流
空寄元龍百尺樓
玉簡每翻高士傳
金莖疇錫醉鄉侯
草迷何處思千里
松老惟應念一丘
乞食古來人盡是
白衣村叟卽羊裘

白蘋洲渚起高歌
正許終南響玉珂
車馬徒征

雙鬢改風塵空負半生過柴桑無酒供題句杜
曲多情笑擲梭歸去扁舟湖上隱一天雲水不
催科

悵望高岑領暮天涼生越布帝城邊旂亭古樹
荒原外客路浮雲落炤前道在險巇還自信心
存氣骨肯誰憐滄桑一聽乾坤事短鋏長裾足
任便

到處平阜敗葉飛秋光漠漠散晴暉千村樹影
看人聚五夜碓聲送雁歸擬渡黃河舟楫寄却

驚白鬣歎歌違紛紛冀北江南路爲憶臨岐月
滿衣

寂寂啼蛩動旅思銀塘野泛且隨時愁看擎露
仙人掌閑聽支機織女絲百尺金臺停驂足一
燈魚火點秋涯荔裳莫道寒風薄楓老霜心早
自知

霜徑蕭然古道齊平沙獵獵雁飛低九陵風雨
樵蘇出八節峰巒野燒迷菡萏光中秋露下鷗
鵲聲裡暮雲西只今無限蒼茫意強賦離心續

舊題

吊柴市

市在北京府學西宋文丞相死節處有
文丞相祠焉

古木寒流接晚烟西風何處咽啼鵑小樓棲息
星歸海大義瀾淪日亘天化血萋弘青入簡怒
潮伍相夜鳴鞭只今正氣歌猶在時繞厓山石
竹邊

咏雙松

松在北京慈仁寺左高如鶴峙右橫若
龍游

落日雙松影欲流不知摩頂幾春秋
龍吟夜壑雲雷壯鶴振風翎霄漢游
愛老特存天眼貴盤空未許客塵留
午鐘香界當機出直喝青山座上頭

黃金臺二首

昭王已千載猶勒黃金名高臺旣杳渺衰草空
縱橫平野盤沙聚眉霄孤雁聲天風吹不絕留

寫古今情

馬骨何庸駿築臺意自深秋空響龍劍野燒貫
虹心士傾日云賤世趨誠益輕參參嘆金盡正
復爲知音

長安雪後看西山

雪裡看山沒山徑雪後看山吐山影西風一夜
萬里來九疊銀屏開曉鏡我來看雪因看山騎
驢猶勝灞橋間看雪看山總無定四顧茫茫誰
許攀山易改形雪易積青山不見陵峭碧堆螺

排岫非舊顏不信青山頭亦白却問青山年少
時鴻濛一色將何之與雪與山共三友憑高須
盡一盃酒直待雪消山復出酌得山公詩一葉
和詩和酒結山緣拾得梅花古句旋

咏乳燕

畫欄垂幙約芳叢夢裡昭陽西又東綽影每濡
花露外啣香時落鏡雲中輕陰剪剪翻跡雨初
月纖纖晚風正是繞塘橫借綠隔簾飛墮酒
鱗紅

漫述

東家富兒田疇陌西隣老人頭空白頭空白迂
籌策滿門蓬蘢龔生塵峻嶒自號文章伯一笑
當年石季倫大言濶步若無人綠珠信自無情
物金谷名園盡殉身常貧賤韓夫子老妻弱息
呼庚癸淮西之碑臥道傍佛骨諫疏載青史嫉
賢梗道段文昌靡靡之辭值盃水自來豪傑等
紛紜咤叱千人氣不群跋履侯門重知己世間
那有春申君天地與吾亦寥廓邨醪野菜爲君

醜明時文字耐傷飴宋代襟期帶糟粕陳元龍
王景畧欲鑄經綸頻落魄千秋只有孔明賢自
損精神迫管樂山齋歲晏鼓寒濤茶爐九月材
秋穽酒爲清聖醉爲仙更有盧仝趣可傳七椀
漫勞除積穢千場盡滌野狐禪君不見孟浩然
詩名直到至尊前岳陽雲夢真傑作有才無命
終淪落又不見杜陵甫撚斷髭髯吟味苦天寒
風惡夜蒼茫口吸天河捫天乳狂來直欲走王
侯眼前小兒皆嚴武華亭骨渭南姿涼月清秋

萬頃陂斜抱紫泥當侯喜亂獻石鼎自聯詩

美人水上行

一簾冰絡鎖銀灣綽約風前誰許攀未剪輕綃
粘白絮畧扶初月倩朱顏響聞寶屐臨華圃寒
點青眉到遠山幾曲凌波渾不定應知玉女弄
冰還

金陵懷古二首

一片長干草自青傷心懶說舊新亭華林園上
鱗歸燕桃葉舟中問落星三月銅駝鐘暗語六

朝紅粉水猶停攬牀時憶桓伊笛惆悵當年玉
樹庭

無限歌鐘盡戰場石城秋草耐興亡木蘭有恨
依江水楊柳無情亂夕陽白鷺洲前翻子夜青
山郭外賦橫塘雄心已共吳鉤冷獨倚壚頭醉
鷓鴣

九日次杜少陵韻

登臨每覺旅懷寬眼底雲山集古歡雙鬢風塵
彈短劒五陵車馬笑南冠秋歸落葉旋空舞露

滴疎花帶影寒却喜中庭初月起停盃猶作幾
回看

春林野渡

野水林花外紅殷映去帆竹孫籬半護櫻子鳥
頻銜翠滑宜拖屐寒輕欲問衫風帘橫渡口沽
酒自可監

看畫

古木一谿水晴嵐數疊山人家深樹裏茅屋幾
重灣

煮茗

不用黃金碾和雲剪露芽松風響活火漸起雪
濤花

晚眺

山逕夕陽外孤亭晚更幽
畫眉啼不盡踏影下
谿頭

絕句一首

門前山柳垂疑是陶家宅
雨過綠苔深一徑無
人跡

草色晴披雨山光淡點雲鳥啼深樹出樵唱隔溪聞

題畫二首

青山一點白雲邊歷歷寒沙淡着烟拾得秋鴻天外意無煩鶯語十三絃

日落空林返照微冥鴻肅肅暮雲飛歸來三徑寒花晚一路秋聲月滿衣

山中曉行

忽聞山下鐘知是山中寺空翠曉烟濃鐘聲在

何處入山不見人
山禽自來去

春思

一身去國經愁慣
萬里還家感夢頻
花落故園春又暮
綠蘿門外草如茵

秋思

鄉心漸覺吳山遠
歸夢偏驚楚月斜
風雨滿樓悲落雁
梧桐幾樹怨啼鴉

咏芙蓉

一枝露冷隔秋烟
水底盈盈照更妍
未識關于

惆悵外篆烟飛過十三絃

咏梅絕句和龔鐵菴作

有引

咏梅祇以咏花一片闌珊可堪久處將
毋少陵君復而後竟無有點破梅心者
吾友鐵菴龔子從夢中得句自是東君
借此瀟灑於紙上盤雲足可千秋不謝
予亦效顰賦此聊爲花神點額

江城一笛萬峰寒月滿羅浮蝶夢安夜半空山
人不見枝頭風露影珊珊

老幹疎花冷自期。凝烟凝水晚風隨。誰知暗裡
先春句。卽是逋仙索笑時。

門對青丘映白沙。一泓清照淡浮槎。花時九錫
君何受。玄墓山前入徑斜。

風來曉幕鏡中行。瘦影矜持雪未晴。最是寒威
消不盡。臥雲堂下讀書聲。

卜築牆東到石門。爲尋仙子又黃昏。無端夜氣
吹寒律。縱得孤芳月半村。

古樹橫牙着盡初。天成一卷灞橋書。曉山閣筆

香齋詩選

卷之七十一

七

湖口堂

人同畫數縷香心入夢餘

小引

魏子曰余于辛亥遊雲間訪傅石漪別駕館余
潭西載更寒暑雲間固海內所稱風雅地而余
以從事選政盡識其賢豪才俊班荆傾蓋角韻
飛觴殆無虛日因得與彥澈定交於石漪坐中
促席談心盱衡千古余甚儀之彥澈亦不我鄙
彛時相過從與之辨事則得失判矣與之評史
則治亂晰矣與之論詩則體法嚴矣每篝燈午
夜惓惓不已所爲唱和之什積以成帙携之行

篋中未敢忘也癸丑春暮驅車過顓頊故城訪
青門刺史入其署槐陰之下有長揖而前者則
故沈郎也相與撫掌稱快因歷叙寒溫流連宵
旦彷彿潭西故事且出療鶴亭草見示讀之凡
關山閨風雨懷人以及酒酣耳熱之時鐘沉
雁落之候偶有所觸無不托諸篇章以鳴其所
感急爲携歸補入石倉集中公之天下足見彥
澈琴劒天涯吟咏不輟其性情學問有大過人
者并簡石漪別駕焉

百名家詩選

福清魏憲惟度輯選

萊陽宋琬荔裳華亭田茂遇鬲淵

武塘曹爾堪顧菴
盱江吳學炯星若

叅

沈道暎
字彥澈號鑑亭婁縣人

月夜遊白雲庵

醉後扶蒼藤尋幽聊乘興攀蘿度前峯陟壑轉
微徑犬吠林更深月出山初靜幽火每孤往宿
鳥時相應惟聞松際風不辨烟中磬行行指不

岡遂造招提境巖扉間無人密樹亂清影扣關
至松寮方得窮幽勝僧徒四五人睡起目猶瞪
花落磬戶空雲凝石床冷支公去未歸遙情何
由竟霏霏露已沾寥寥夜方永惆悵徒言還泉
聲滿清聽

寓武塘錢氏南園孫胥客過夜話

斜陽沒林表高樓延暮色竹深歸鳥喧庭空花
影寂寒更蕭寺鐘獨夜越鄉客撫景耿不眠悄
然對四壁何來空谷音慰此旅愁劇燒燈照素

心散帙論古昔高言豁胸懷
豎議矜創獲愛此幽夜話
翻覺嚴漏迫襖被爲我留連床
風雨夕松風入座清梅花滿林白
永晝亦遲君揮塵對泉石

夕霽卽事

驟雨撤暄濁薄暮開新晴
輕陰猶未歛孤霞條東生石壁
俯殘照林壑含餘清郊原互迴
暎夕鳥爭飛鳴鮮雲蕩華薄
彩虹曳層城蒼翠群木秀蔥蒨
遠岫橫炊烟起郭郭清景羅軒楹
蕭散

滌煩慮澄鮮淡遥情素琴方罷鼓濁醪聊自傾
策杖步荒圃浩歌思濯纓怡悅東籬下悠然遺
世營

寓懷

朱陽熹自南百艸生繁陰喬柯翳陽景廣牖開
煩襟霏霏丹萸秀交交黃鳥音謾謾松下風泠
泠丘中琴葛蘿互蒙密雲霞蔚深沉息駕絕塵
鞅晞髮聊長林芳蘭當門鋤直木斧柯尋有識
貴韜精幽獨良可任濠濮千載上寥寥徵賞心

又

蜉蝣不逮夕，薜華止朝鮮。
粲粲雖可悅，亮非金石堅。
狹輶旣已傾，明膏徒自煎。
審已安蓬藜，遺俗止攀緣。
歡醕匪所適，耀首誰爲妍。
將期任公釣，聊排漆園筌。
冥心任太素，放志凌雲烟。
重巖攀落藟，層崖挹飛泉。
石髓探幽閭，金膏駐靈仙。
永懷羨門遊，馳想子喬鶩。
逍遙良辰侯，寧爲世累纏。

鳴鳥羨喬林，游魚樂深潭。
飛潛不相因，高下任

所適伊余丘樊姿雅尚敦夙昔孤雲曳遥情高
霞結沉癖濯潭媚澄鮮捫巘懷蒼碧松枝秀宜
餐江籩芳可摘既愜冥鴻心寧以腐鼠迫隱見
苟不揆終爲達者惜

同郡別駕傅公惟度松之星若雙白同里
帶三先生六益髯淵蒼水集硯銘臨流

草堂

西郊美物候高秋展遐矚墟落明孤烟原野散
晴旭招邀有之子開筵蔭喬木溪堂敞幽牕曲

池繞寒綠鱸魚膾正肥松花釀新熟白雲被美
菜青樽映黃菊蒼翠入遥峯凝睇怡心目鳬鷺
來親人繞磯飛款款婉婉賢府君風流迥超俗
性與高人親脫略去邊幅眷茲山水情于旌駐
空谷歡宴放意志流連忘日促遥懷托風雅清
言逾絲竹悠悠韋白踪千載同高躅

別惟度

與君展良遊數月招提境登閣愜幽期流連移
日景識君古人風胸懷篤淵靜能事寄千秋蕭

然萬慮屏跡與松風清興逐高秋迥長陰對層
巒遙情時一騁久客倦人事忽焉買舴艋束書
理晨裝去去川途永輕隨波際鷗靜汎烟中艇
京江樹如薺天末勞引領分手渺前期何以慰
耿耿

集光復堂分賦得露字

君家北郭多幽趣開徑長留佳客住折柬頻來
問日招銜杯喜作高陽聚驂驪門外繫垂楊花
月樽前尋舊雨岍嶺人來九曲雲輕裝客指三

江樹竹林數子盡賢豪落落風颺見真素嗟予
本屬蓬蒿人年來已作烟霞癩倚鋏不入平原
門把鋤擬向要離墓生涯濩落來客嘲寥廓無
途鳳困篴獨將歲月消酒杯寧復沉埋守章句
但逢知己便開顏爲歡作劇無違忤廣川主人
興獨豪當筵意氣相傾吐清齋不覺炎暑蒸轟
飲高談忘澁數玉肪新鱸谷陽鱸紅螺細酌蘭
陵醑城頭角動歸鴉栖踈槐葉落微風度酣劇
翻愁去路遙歸橈已見流清露

送蒼水遊粵

董子才名滿江左雄辭健筆無其倫
崎嶇落多不偶十年高臥滄江濱
丈夫壯盛不得志寧肯低眉住鄉里
仰天大笑忽出門萬里之遊自此始
南去瀟湘望嶺雲鷓鴣啼處對斜曛
洲上杜蘅思屈子祠前斑竹吊湘君
九歌地人騷人怨慷慨登臨恣遊宴
岳陽秋色把杯深巴陵夜雨清鑒健
山川遙接桂林城匹馬還爲嶺外行
戰罷樓舡烽燧息風清瘴癘海波平
探奇歷險

不知任重到昔人遷謫處紅蕉丹荔醉羅浮古
今才士同時遇定有明珠歷客裝還多翠羽酬
佳句男兒志豈安蒿萊壯遊萬里形神開不見
馬遷歷覽徧天下著書後世稱奇才

盱眙道中

縣小無城郭長空泗水流雲檣臨岸密煙火榜
山稠曉市浮橋隘重岡列剎幽往來爭利涉南
北總悠悠

泗州有感

路出都梁盡懸檣問水程衝波帆影亂映日市
烟明隔岸山圍郭中流塔枕城千年靈跡在鐘
鼓送潮聲

右泗州大士塔廟

豐沛當年地空傷王氣消劒鏃寒大澤鼉鼓咽
秋潮淮海猶蟠亘風雲竟寂寥一坏何處問宿
艸莽蕭蕭

遊都梁山望泗州

望眼登臨豁長空似畫圖滄波浮地濶層塔倚
天孤沙艸閒鷗鳥人烟走舳艫茫茫濤浪外陳

跡幾荒蕪

山迴清無暑泉流石徑寒

山有玻璃泉

湖天亭外合

魚鳥鏡中寬列剎穿雲起孤城隔水看何人倚

長笛竟日獨憑欄

地是隋宮舊

相傳此山爲隋都梁宮

詩從米老傳

亭間有米南宮

石刻都梁十景詩

荒臺餘短碣斷壑走哀泉客話先朝

事僧追廢寢年一杯空泗水日日送啼鵲

過塗山望禹廟

蔓草重岡出殘陽古殿扃山川歸滌蕩玉帛想

神靈石裂摧孤樹祠荒沒舊銘
八年胼胝事寂寞感遺經

登開署披雲閣

樓高出霞外登眺俯平蕪
秋老寒砧急城荒落照孤
亂沙閒牧馬古堞隱啼鳥
駐蹕千年事英風尚有無

樓爲宋真宗駐蹕時所題

登開州千佛閣

策馬尋幽寺城南一扣關雲依清磬
住僧傍古松閒問法心難遣思鄉髮
易斑旅懷登眺豁寧

得緩躋攀

戚城謁先賢子路墓

衛國幽宮在蕭蕭鳥窠悲米霜存古木風雨護
殘碑忠信一言折英靈百代垂高臺空兀突猶
想結纓時

渡黃河

南下流如駛滔滔萬馬奔沸沙翻日月濁浪湧
乾坤忠信危時仗風波定後論浮生同泛梗飄
泊恨寧存

此去黎陽近行人北上稀寒沙圍馬足苦霧染
征衣平野濤聲迴殘陽樹影微斷腸天外鴈一
一向南飛

瓜步別友

沙尾中流出綠江列障稠帆迴楊子渡樹入海
門秋故壘依寒堞悲笳隱戍樓可堪離別後獨
客上真州

維揚道中

隋堤南北路楊柳已無存蔓艸朱樓散重岡
畫

角屯江山空白骨風月自黃昏寂寞雷塘土難
招帝子魂

南朝佳麗地今古恨蕪城雨歇行宮夢江流戰
鼓聲錦帆迷夜月鉄甲莽連營誰唱無愁曲還
令百感生

舟宿五河縣

過雨張帆疾輕舟進急湍雲容朝自定水氣晚
生寒古廟沙崩岸荒蘆月隱灘憑舷望牛斗歸
路已漫漫

經懷遠

泗水流將盡蒼山遠岸遮霏微空靄接迴合兩
峯斜急漿移沙草輕帆捲浪花客程猶未止直
北路方賒

長淮道中遇雨

風緊危檣直驚波夾岸奔吹沙鯨氣盛排日浪
雲昏急雨爭維艫安流更過村陰晴俄頃異險
易任乾坤

謁明道先生書院

千載留遺澤
澶淵俎豆傳微言
開絕學新法畏

高賢捷石功
猶在長堤跡未湮

先生爲澶州判官時河水衝決

築堤捍之至今存

庭前翠艸色風月尚無邊

旅夜書懷示李子隆

一望關山隔孤踪
只自憐鄉心隨暮雨
客况似秋蟬
愁到憑詩遣書成待鴈傳
計時秔稻熟歸夢綠村邊

到此疎朋好逢君
語便親江湖同失路
風雨念蕭晨
意爲知音愜情緣感舊真
青衫雙濕處相

對話沉淪

送霄客南還

聚首無多日天涯袂忽揮苦將遊子淚洒向故
人衣落照河流出寒楓驛路稀與君俱作客爭
柰不同歸

九日同開署諸公登超然臺

秋入平原蔓艸荒故宮何處問宣房河吞廢壘
愁雲白城擁寒沙落照黃天外鄉心隨去鴈檐
前晴菊佐飛觴莫訝醉裏常扶帽翹首關山正

渺茫

辛亥除夕

官齋又逼椒花候
好友相看笑語親
栢酒開筵燒絳蠟
銅盤促席煖烏薪
坐聽蓮漏催殘歲
旋理銀幡待早春
遙想高堂當此夕
把杯應憶遠遊人

壬子立春日燕如水堂

東堂高燕簇辛盤
銀燭華星坐夜闌
春色早隨五馬至
和風晴轉萬家歡
官厨釀進椒花美
綺

席人從綠燕看絲管聲繁華屋暖不知簾外晚
霜寒

人自集董園石蒼水光復堂送魏惟度返
秣陵旋之都下

尊開董相送君行黃鳥春風別思盈人日辛盤
聊共對天涯芳草若爲情帆連瓜步江流迴馬
渡燕山夕照橫遙想國門懸字貴平津東閣快
逢迎

上巳書懷

旅舍春晴試袂衣寂寥何處探芳菲
垂楊戰壘風沙合蔓艸高原被稌稀
故國幾人傳錦字望鄉有客對斜暉
采蘭中澤朋儔渺腸斷空梁紫燕飛

中秋夕送李子隆南還

槐庭永夜露華生碧落光寒烏鵲驚
爲客不堪秋漸老離樽偏與月同盈
一城砧杵銀河靜千里關山玉笛清
臨別黎陽頻悵望故園叢桂正含情

客舍寄懷詩

惟度星若

文選樓高引眺長
樓頭鴻雁警新霜
烟郊晴入遙山翠
樵徑楓卽夕照黃
寥泚應知秋共賦
登臨須藉酒盈觴
茱萸插罷多同調
莫更聞砧憶故鄉

六益

幽棲北郭絕塵喧
嘯詠悠然在鹿門
客况摠輸遊屐健
詩名翻覺布衣尊
映堦紅葉含朝雨
繞

潤寒梅照角巾
一日花前同刻燭與君清夜坐
高軒

硯銘

郊居水竹淡清
獨得悠悠物外心
衡宇相看
孤樹近過從偏
入林深何人堪共
公榮飲如
我時聞梁甫吟
擬瓜丘歸荷耒
西田烟月更
招尋

忍齋先生

輕裝萬里點蒼
花鳥南村日閉關
白石靜分

支遁塵綠陰春泄謝家山晴窓闕墨烟巒潤高
館邀賓綠竹閒餘憶留連同季重余同六益時在忍齋處
忝差梅影畫圖

家雪峯

他鄉苦憶病維摩皂帽藜床歲月過春到竹林
無酒伴悲來土室只高歌柴桑甲子同元亮筆
塚風流繼永和誰共扁舟橫鉄笛滄江閒理釣
漁簑

金山先生

解組歸來鬢尚青
談詩把酒事沉冥
五言共詫臨川美
三日誰同僕射醒
訪竹愛尋高士駕
移文寧乞草堂靈
機山樓閣春雲裏
想見吟成倚翠屏

洮侯

梅吟居士老羊裘
落魄高陽一醉侯
棋局酒鎗新歲月
長鏡短髮舊風流
三春詩思君應健
千里鄉心我獨愁
知有蓬蒿齊仲蔚
草堂誰與共淹留

髯淵

青溪一別阻追攀
遠道加餐尺素艱
雲樹水鹵增悵望
塵沙河朔更摧顏
千秋道在身猶壯
三逕風高意自閒
縱使茂陵耽著述
可能無事馬蹄閒

園石

翛然門巷少經過
長日無妨有客羅
出郭扁舟時載酒
看山側帽喜清哦
楊雄耽寂干時懶
潘岳閒居感遇多
悵望暮雲春樹渺
幾時開逕召

羊何

蒼水 時方遊粵

故人一別各天涯
銅柱炎荒道路賒
椰子酒傾蠻雨暗
鷓鴣聲急嶺雲遮
驛梅望斷南來鴈
朔雪心懸北客槎
兩地迢迢千萬里
詩成回首祇長嗟

涇署觀劇喜聽吳音同子隆靜涵賦

脆管哀絃靜不喧
迢雲清响坐黃昏
筵前一奏吳趨曲
銷盡江南旅客魂

沈彥澈
卷之七十二

五
枕江堂

轉喉車子徹天風一縷蛛絲逗碧空檀板翠眉
銀燭夜恍疑身在五湖東

秋到澶淵動旅情況逢此夕管絃清不須唱徹
伊州調祇恐樽前白髮生

銀河路角千闌干地主能罄客子歡縱使何戡
今日少鄉音應作舊人看

花下銀筵倚玉簫按殘孤拍度清宵一枝賽却
風前柳好並紅兒鬪舞腰

窄袖輕衫結束新曼聲初發滿堂春賞音刺史

風流在較勝蘇州白舍人

西堂水調奏秦青
北部煙花讌賞停
舞罷畫欄雙佇立
素蘂含露兩娉婷

鈿蟬金鴈按紅牙
歷亂楊花間李花

有楊李二人最佳

此夜綠樽殘醉後
渾忘身世在天涯

題畫

迴合丹崖樹影重
亭間指點勝扶筇
銀濤直下高千尺
此是匡廬第幾峯

壬子歲暮立春

窮年臘向今朝盡
簾外寒威漸減時
屈指梅花消息早
想應開徧故園枝

官閣風和凍欲開
共看剪綵醉新醅
獨憐河朔三年客
不似陽春此日迴

小引

魏子曰余讀郃雪嵐五鹿詩選而歎天雄之多才也朱子汗朱其特秀云蓋汗朱鍾靈大伾能讀五車與袁杜少王幼輿稱三才子時皆以大器期之幼輿已萊名天府出宰民社杜少汗朱共崢嶸里黨間余遊其地得讀其詩清新雋雅絕去繁縟譬瓊樓仙女脩然淡粧卽刻劃西施猶憎其貌則無鹽可知矣至汗朱之摹臨古帖手腕中有神品少陵所謂但恨無過王右軍者

其丰采骨力尤與其古近體相彷彿昨張孝廉
念麓過余寓齋出是集共讀快詠之曰詩凌漢
魏字爭晉別置一席待先生噫至矣

詩選

福清魏憲惟度輯選

華亭沈荃釋堂吳縣尤侗展成

長垣邵煥元凌玉崑山許虬竹隱

朱驊字汗朱滑縣人

月夜同人登陽第一山

野月逐人白空山入夜清雲燠千樹合燈火萬
家明古寺藏龍鉢秋風隱鳳城側身千里外同
是故鄉情

九日同王木重遊壽春湧泉庵

九日能無負同來問湧泉地連秋水濶城對石
橋偏野興逐高鳥霜花淡遠天經時鄉夢切登
眺倍凄然

秋夜獨坐因念王史園明日還太丘賦此
送別

遠樹秋螢亂炊鐙坐石陰鐘來古寺靜風入野
堂深獨對檐前菊頻驚別後心太丘明日路回
首各沾襟

初夏思園偶成

深巷席爲戶茅堂柳向城
到逢春雨後坐待夏
雲生馴鹿池邊去乳禽
花外鳴幽栖寧忘此惆
悵歲時情

客津門漫興

潮落沙紋細樓高旅思寬
離家春尚早近海夏
猶寒白酒愁堪醉黃魚
賤可飡最憐今夜月只
是異鄉看

客天雄寓孫右漢沙堤野築

到處秋陰滿沙隄細路高當門縣薜荔畱客坐
蓬蒿勝地欣相得清時愧未遭隔隣歌白苧長
嘯過東牟

百里軒車隔三秋夢寐勞柴門幽竹在遠樹野
煙高嵐氣生朝雨松花落布袍放歌坐回首盡
日聽風濤

題李氏隱居

高沙迴細路曲曲入柴扉亂石開青嶂疎籬種
紫薇幽禽啄果落稚子荷苗歸甕酒年年滿應

知客到稀

同人遊寶松濤壘園是夜集右漢宅分賦
野興秋來劇名園客到初遠煙千樹迥落木一
亭虛暫醉山公酒還過楊子居談詩入永夜城
角動蕭疎

送錢子璧還江南

相思幾載隔漁磯纔得逢君又送歸日暮離亭
簫鼓歇滿天落葉向人飛

衛水秋深雁陣遲黃花開向送君時且拚爛醉

登高酒明歲花開知對誰

留笏草堂晤談季屏卽席賦贈

先世同蘭譜邀君過菊叢人情悲鼓瑟吾道任
飄蓬星白寒雲裏霜清旅夜中相期盡一醉千
里看飛鴻

約遊金沙泛舟

旅病連朝未破除晴雲野水動蕭疎與君共買
金沙酒黃菊開殘十月初

衛河霜落水痕清兩岸丹楓照眼明却憶去年

秋色裏征帆獨挂海潮平

孫右漢至自蒲城明日卽有侄山之行詩
以送之

東風吹草逕有客到柴關繫馬長松下開樽流
水間低雲沉夜雨遠霧抱春山明日千峰上知
君未肯還

同孫右漢李湛一九鼎和尚春日遊大伾
危磴倚嵯峨孤松帶女蘿披雲隨杖屨選勝坐
巖阿山路晴煙合人家春雨多下方鐘磬寂隱

隱動笙歌

送潘蘭舉還過伍山讀書處兼示王玉樹

九鼎和尚

舊日讀書處
淒涼獨子過
山晴春草發
松老白雲多
坐聽生公偈
閒看逸少鵝
鹿門空有夢
回首隔煙蘿